



# Халқ сўзи

Ўзбекистон —  
келажаги  
буюк  
давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2017 йил 8 июль, № 134 (6828)

Шанба

Сайтга ўтиш учун QR-коднинг телефонингиз орқали сканер қилинг.



## БАРЧА САЎЙ-ҲАРАКАТЛАРИМИЗ ЗАМИРИДА ХАЛҚИМИЗНИ РОЗИ ҚИЛИШ МАҚСАДИ МУЖАССАМ

Ўзбекистон Республикаси Президенти Шавкат Мирзиёев жойларда ижтимоий-иқтисодий ислохотларнинг бориши, амалга оширилаётган бунёдкорлик ва ободонлаштириш ишлари, йирик лойиҳалар билан танишиш, халқ билан мулоқот қилиш мақсадида 7 июль куни Наманган вилоятига ташриф буюрди.



Наманган — мамлакатимизнинг ҳар томонлама ривожланган, гўзал вилоятларидан бири. Кейинги йилларда унинг иқтисодий салоҳияти ошиб, шаҳар ва қишлоқлар обод бўлиб бормоқда. Жорий йилнинг биринчи чорагида ялпи ҳудудий маҳсулот 8,7 фоиз ўсган. Бу улкан бунёдкорлик ишларига асос бўлмоқда.

Мустақиллигимизнинг 25 йиллиги арафасида Камчиқ довои орқали 19,2 километрлик ноёб туннели ўз ичига олган Ангрэн — Поп электрлаштирилган темир йўли очилгани мамлакатимиз ҳаётида тарихий воқеа бўлди. Бу йўл кўлаб иқтисодий имкониятлар қатори Наманган вилоятининг муҳим транзит ҳудудига айланишини ҳам таъминлади.

Биринчи Президентимиз Ислоҳ Каримовнинг 2015 йил 24 ноябрдаги қарори билан тасдиқланган 2016 — 2019 йилларда Наманган вилоятининг саноат салоҳиятини ривожлантириш дастурига мувофиқ, юзлаб инвестиция лойиҳалари амалга оширилмоқда. Уларнинг орасида умумий қиймати 2 миллиард 1 миллион доллар бўлган Тўрақўрган иссиқлик электр станцияси алоҳида ўрин тутди. Ушбу электр станцияси нафақат Наманган вилояти, балки бутун Фарғона водийсида электр энергиясига бўлган талаб ва эҳтиёжни қондиришга хизмат қилади.

Поп туманида 100 мегаватт қувватга эга бўлган, умумий қиймати 210 миллион долларни ташкил этадиган кўш электр станциясини қуриш, Мингбулоқ туманида 211 миллион долларлик “Мингбулоқ нефть-газ” қонини ўзлаштириш ва бошқа инвестиция лойиҳалари вилоят иқтисодиётини янги босқичга кўтарди.

Наманганда кичик бизнес ва хусусий тадбиркорлик соҳаси изчил ривожланмоқда. Вилоят ишбилармонлари замонавий технологиялар асосида харидорғир маҳсулотлар

ишлаб чиқариб, экспортдан катта даромад топтоқда. Жорий йилнинг биринчи чорагида 79 корхона 17,4 миллион долларлик маҳсулотни экспорт қилган. Экспортчи корхоналар сафига 19 янги субъект қўшилган.

Шавкат Мирзиёев ўзининг Сайловди дастурида бу борадаги ишларни янада юқори босқичга кўтариш, мамлакатимизнинг барча ҳудуди қатори Наманган вилоятини ҳам изчил ривожлантириш бўйича улкан режа ва мақсадларни баён этган эди.

Президентимиз Наманганга ташрифи давомида ана шу режалар ижроси, амалга оширилаётган бунёдкорлик ишлари ва истиқболли лойиҳалар билан танишди.

Наманган — кўлаб буюк алломаларга қанот бўлган замин. Бу кўхна юртда Маҳдуми Аъзам Косоний, Бобораҳим Машраб, Фазлий Намангоний, Нодим Намангоний, Мухаммад-шариф Сўфизода сингари шоир ва маърифатпарварлар туғилиб ижод қилган.

Шавкат Мирзиёев 2016 йил 2 ноябрь куни Наманган вилояти сайловчилари билан учрашувда Исҳоқхон Ибрат ҳақида алоҳида тўхталиб, у кишига атаб замонавий бог яратиш, ёдгорлик мажмуаси ва “Ибрат мактаби”ни ташкил қилиш ташаббусини баён этган эди. Бу тақлиф жамоатчилик томонидан кенг кўлаб-қувватланиб, ҳозирги кунда қурилиш ишлари жадал олиб боришмоқда.

Президентимиз ушбу мажмуа қурилишини бориб кўрди.

Бунёд этилаётган бог одамларнинг мазмунли ҳордиқ чиқаришига қўлайлик яратиш билан бирга, маънавий оламнинг ҳам бойитида. Бу ерда маърифатпарвар бобомизнинг ҳайкали ўрнатилди. Музей Исҳоқхон Ибратнинг ҳаёти, серқирра фаолияти билан таништирди. “Ибрат мактаби”да ёшлар хорижий тилларни ўрганади. Буларнинг барчаси яхлит ком-

плекс сифатида алломанинг буюк хизматларини қадрлаш, меросини ўқиб-ўрганиш ва тарғиб қилишда муҳим ўрин тутди.

XIX асрда Тўрақўрган заминда туғилиб ўсган Ибрат домла араб, форс, рус, хинд, урду, инглиз, француз тилларини яхши билган, деди Президентимиз. Дунёнинг кўлаб мамлакатларида бўлиб, Шарқ ва Европа илм-фани, маданияти ва санъати билан яқиндан танишган, юртига илгир маданият ва техника янгиликларини олиб киришга интилган.

Ибрат домла ўлкамиздаги илк матбаачилардан бири сифатида 1908 йили Оренбург шаҳридан литографик машина сотиб олиб, уни Оренбургдан Қўқонга чопозда, Қўқондан Тўрақўрганга туяларга ортиб, катта машаққатлар билан олиб келган ва ўз ҳовлисида “Исҳоқия босмахонаси”ни ташкил қилган. Бу маърифатпарвар инсон кўлаб илмий, педагогик ҳамда бадиий асарлар яратган, ўз қишлоғида янги мактаб ва кутубхона очган, аҳоли учун замонавий бог барпо қилган, ҳозиргача гоят ноёб ҳисобланадиган олти тилли лугат яратиб, ўз босмахонасида чоп эттирган. Унинг “Фарғона тарихи” асари мамлакатимиз тарихига оид нодир манбалардан биридир.

Давлатимиз раҳбари Мингбулоқ туманидаги “Мингбулоқнефть” Ўзбекистон — Хитой қўшма корхонасига ташриф буюрди.

Президентимиз Шавкат Мирзиёев 2017 йил 11 — 13 май кунлари Хитойга давлат ташрифи давомида Хитой Миллий нефть-газ корпорацияси директорлар кенгаши раиси Ван Илин билан учрашди. Мазкур корпорация мамлакатимиздаги углеводород қонларини қидириш ва қазих, Муборак газ-кимё мажмуасида табиий газни чуқур қайта ишлаш жараёнида фаол иштирок этмоқда. Учрашувда юқори технологиялар соҳасидаги лойиҳалар ижросининг истиқболлари ва Ўзбекистон иқтисодиётининг устувор тармоқларига Хитой сармоясини жалб этиш масалалари муҳокама қилинди.

“Мингбулоқ қонида қидирув ва қазиб олиш” лойиҳаси узоқ истиқболга мўлжалланган кенг кўламли лойиҳадир. Лойиҳа доирасида 4 қидирув-бурғи-

лаш қудуғи ишга туширилади ва 4 мавжуд қудуқ капитал таъмирланади.

Мазкур лойиҳа Ўзбекистон Республикасининг 2017 йил Давлат инвестиция дастурининг манзилли рўйхатида киритилган бўлиб, айна пайтда бош пудратчи — “Xibu Drilling Engineering” компанияси томонидан бурғилаш майдони ва вахта қароргоҳидаги тайёргарлик ишлари якунига етказилди. Жорий йилда Мингбулоқ нефть қони маъмурий биносини таъмирлаш, M15 қидирув-бурғилаш қудуғини ишга тушириш ва бошқа тадбирларни амалга ошириш учун Хитой молия-тижорат институтлари киритадиган 15 миллион долларга тенг сармоя ўзлаштирилиши кўзда тутилган.

Яқинда бу ерда M15 қидирув қудуғи ишга туширилди. Қудуқда бурғилаш ишлари катта — 6 минг метргача чуқурлик, аномал босим — 1200 атмосфера босими ва коллекторларнинг геологик мураккаб тузилиши шароитида олиб борилиши энг замонавий муҳандислик ёчимларини тақозо этади. 25 йилга мўлжалланган ва умумий қиймати 255 миллион доллардан ортқ бўлган ушбу лойиҳа натижасида Мингбулоқ нефть қонида йилга 200 минг тонна суюқ углеводород қазиб олиш режалаштирилган.

M15 қидирув-бурғилаш қудуғининг ишга туширилиши билан 130 дан зиёд иш ўринлари яратилди.

Президентимиз ушбу корхона мамлакатимиз иқтисодиётини янада ривожлантиришда муҳим ўрин тутишини таъкидлади. Қурувчилар ва хитойлик мутахассислар билан суҳбатлашди.

Шу ерда Фарғона водийсида ўтказилган геологик қидирув ишлари натижалари ҳақида маълумот берилди. Қидирув ишлари кўлаб турдаги табиий бойликларни аниқлаш имконини берди. Келгусида уларни ўзлаштириш бўйича замонавий корхоналар ташкил этилади.

Наманган вилоятида қуриладиган гидроэлектр станциялари лойиҳаси ҳам намойиш қилинди.

Ўзбекистон Республикаси Президентининг 2017 йил 2 майдаги “2017 — 2021 йилларда гидроэнергетикани янада ривожлантириш чора-тадбирлари дастури Тўғрисида”ги қарорига мувофиқ, Наманган вилоятида умумий қуввати 38,5 мВт, ишлаб чиқариш қуввати 150,8 миллион кВт соатни ташкил этувчи кичик гидроэлектр станцияларини қуриш кўзда тутилган. Жумладан, Учқўрган тумани ҳудудида Катта Фарғона каналлида кичик ГЭСлар каскадини қуриш режалаштирилган.

Сув тозалаш иншоотлари барпо этиш, аҳолини тоза ичимлик суви билан таъминлаш қамровини кенгайтириш масалаларига алоҳида эътибор қаратилди.

Давлатимиз раҳбари Тўрақўрган туманидаги “Gold Fresh Fruits” масъулияти чекланган жамиятида қишлоқ ҳўжалигини ривожлантириш лойиҳалари билан танишди.

Мамлакатимизда қишлоқ ҳўжалиги, айниқса, чорвачилик, паррандачилик, бодорчиликни ривожлантириш, бу борада янги лойиҳаларни ҳаётга татбиқ этишга қаратилаётган алоҳида эътибор озиқ-овқат маҳсулотлари ишлаб чиқаришни кўпайтиришга, аҳоли фаровонлигини таъминлашга хизмат қилмоқда.

“Gold Fresh Fruits” МЧЖда 482 гектарлик интенсив бог ташкил этилган. 300 дан зиёд кишилар меҳнат қилаётган жамиятда гилос, олхўри, шафтоли, хурмо ва ўрик қўчатлари парваришланмоқда. 104 гектар ер гилос қўчати экиш учун тайёрланмоқда.

Корхона ҳудудида 2018 йил охиригача яна 400 гектардан ортқ майдонда гилос боғи ташкил этиш режалаштирилган. Бунинг учун 45 миллион доллар маблағ сарфланади. Бир йилда 10 минг тоннадан ортқ маҳсулот етиштириш, 30 миллион долларлик экспорт қилиш кўзда тутилган. Корхонада 6,5 гектарда мевасазавотларни қайта ишлаш, сақлаш ва қадқоқлаш логистика маркази ташкил этиш мўлжалланган. Натижада 300 янги иш ўрни яратилади.

Биринчи Президентимизнинг 2015 йил 29 декабрдаги 2016 — 2020 йилларда қишлоқ ҳўжалигини янада ислоҳ қилиш ва ривожлантириш чора-тадбирлари тўғрисидаги қарори бўйича Халқ банки қатор лойиҳаларни амалга оширмоқда. Банкининг молиявий кўмагида Тўрақўрган туманида ташкил этиладиган 2 минг боғ қорамолга мўлжалланган чорвачилик комплекси ва сутни қайта ишлаш лойиҳаси шулар жумласидандир. Лойиҳа қиймати 11,8 миллиард сўмлик ушбу комплекснинг ер майдони 510 гектар бўлиб, шундан чорва моллари учун озуқа маҳсулотлари етиштиришга 500 гектар, қурилиш ишлари учун 10 гектар ер ажратилиши режалаштирилган. Комплексида йилга 4 минг 280 тонна сут, 150 тонна гўшт етиштирилади. Лойиҳани 2018 йилнинг учинчи чорагида ишга тушириш мўлжалланган.

Шу ерда Учқўрган туманидаги “Muhammadali hamkor biznes” масъулияти чекланган жамиятида 10 гектарда иссиқхона ва томат пастаси ишлаб чиқариш заводи, Наманган шаҳридаги “Jahon javohiri invest” ва Поп туманидаги “Namangan agro logistic” МЧЖларда қишлоқ ҳўжалиги маҳсулотларини сақлаш, қайта ишлаш ҳамда иссиқхона ташкил этиш лойиҳалари тақдими ҳам ўтказилди.

### МУНОСАБАТ

Президентимиз Шавкат Мирзиёевнинг “Камолот” ёшлар ижтимоий ҳаракатининг IV курултойидаги нутқи халқимиз, айниқса, навқирон авлод вакиллари томонидан катта қизиқиш билан кутиб олинди.

## Улкан эътибор, ғамхўрлик ва рағбат

ёшларимизни янада шижоат кўрсатишга, улғувор ислохотларга камарбаста бўлишга ундайди

Негаки, унда қўйилган вазифалар, билдирилган ҳар бир фикр-мулоҳаза мамлакатимиз истиқбол билан чамбарчас боғлиқдир. Хусусан, ёшларни қўлаб-қувватлаш, оилада фарзанд тарбиясига жиддий эътибор қаратиш, бепарволик ва лоқайдликка берилмаслик, аксинча ҳар бир ҳатти-ҳаракатимиз билан юрт равнақида хизмат қилишимизга оид мушоҳадлар қалбимизни тўқинлантирди, десак, асло мулоҳазасиз эмас. Бунинг айрим юртдошларимизнинг қўйидаги дил сўзларидан ҳам аниқлаш мумкин.

### ДЕПУТАТЛАР — ТУМАНЛАРДА

“Тибийт муассасаларида малакали шифокорлар етишмайди”, “Ер участкасини олишда қийинчиликларга учраётган”, “Тадбиркор бўлмоқчиман, аммо кредит ололмаяпман”, “Коллежни тамомлаган фарзандим ишга киролмаяпти”, “Ичимлик суви таъминотидаги узилишлар қачон барҳам топади?”...

## Масъулият, жавобгарлик ҳисси ва натижа

Бугун халқ орасида бўлиб, одамлар билан бевосита мулоқот қиладиган парламент аъзолари аҳолини қийнаётган шу каби масалаларга кўпроқ дуч келмоқда. Айтиш мумкинки, уларнинг ақсариёти ўз жойида ижобий ечим топаётти. Парламент ва депутатлик назоратининг мазкур таъсирчан механизми ҳаётимизда учрайдиган айрим муаммо ҳамда камчиликларни бартараф этиш, бу бўйича зарур тақлифларни ўрганиш, шунингдек, мазкур масалаларга мутасадди раҳбарлар эътиборини қаратишда муҳим восита бўлиб хизмат қилаётганини тасдиқламоқда.


## Нотариал хизматдан аҳоли мамнунми?

“Тараққиёт стратегияси” маркази томонидан “Нотариат идоралари халққа хизмат қилиши керак” мавзусида ўтказилган жамоатчилик фикри сўрови натижаларига кўра, унда қатнашганларнинг қарийб 65 фоизи нотариат идоралари хизматидан фойдаланганда ноқонуний ҳатти-ҳаракатларга ғувоҳ бўлганликларини қайд этишган.

Белгиланганидан кўпроқ ҳақ олиши, хизмат кўрсатишдан асоссиз бўйин товлаши, ортиқча ҳужжатлар талаб қилиши ана шулар жумласидандир.

Ўзбекистон Республикаси адлия вазири ўринбосари Анвар Усмонов жамоатчилик фикри сўрови натижаларига бағишланган матбуот анжуманида маълум қилишча, бугунги кунда мамлакатимизда 541 давлат нотариат идораси бўлиб, уларда қарийб 750 нафар нотариус фаолият юритади. “Гу-

(Давоми 2-бетда).



(Давоми 2-бетда).







